



御選明詩卷第三十三目錄

五言古詩十八

陳萬言二首

高道素一首

馬任遠二首

瞿汝稷二首

王敬臣一首

田藝蘅一首

謝三秀二首

王象艮一首

華善述四首

御選明詩

卷三十三目錄

梅守箕三首

梅鼎祚二首

吳元樂一首

宋登春二首

馮遷一首

安紹芳一首

譚清海一首

陳有守一首

盛時泰二首

張名由四首

俞安期二首



何白一首

黃克晦三首

胡宗仁二首

汪元英一首

汪元范一首

傅梅一首

汪樞一首

周應辰一首

吳宗儒一首

傅邦柱一首

潘之恆二首

御選明詩

卷三 目錄

吳夢暘一首

茅維一首

謝兆申一首

王野一首

范汭三首

吳鼎芳十一首

吳兆五首

徐允祿一首

徐應雷一首

齊萊名一首

吳沛五首

卓發之一首

王龍起一首

鄭肩驥二首

魏冲一首

豐越人二首

徐穎一首

朱治憫一首

楊文驄一首

鄭鄭二首

姚孫桀一首

徐石麒二首

御選

明詩

卷三

目錄

目録

郭紹儀一首

李模一首

侯峒曾一首

侯玄演一首

袁繼咸一首

董守諭一首

萬元吉一首

馮一第三首

魏學洙六首

吳懷賢二首

王清臣一首

三

李世熊二首

田狩龍一首

陳衍三首

葛徵奇一首

李奇玉一首

徐柏齡一首

張溥一首

姜垓二首

楊廷麟一首

陳宗之三首

御選明詩

卷三

目錄

四

御選明詩卷第三十三

五言古詩十八

陳萬言

出門

出門澹無營閒步郭北隅四野一何曠仰見秋雲徂微風動蕭林殘暉息遠墟忽然霞氣新散綺照輕裾高歌以忘憂薄言返故廬

長夏憩澹止園

辭家謝塵慮結意在巖壑登高畏炎蒸園林寄幽託澄湖逼遙岑仁智均所樂入徑參茂松環洲雜芳若灌木挺喬幹疎篁解新籜中有百尺樓憑虛陰寥廓青山四壁垂雲氣屢迴薄朝汲葛翁水夕放支公鶴披襟步湖濱飄風散花萼避暑蕩蘭棹迎涼啓羅箔清宵寂無人倚石縱盤礴歸偃北窓隅三五映籬落覽花得沉冥感遇任離索物理本如此俯仰亦何作

高道素

兗州道中寄內

黃沙蔽天氣白日無晶光寒雲何蕭條四野青茫茫驚飈激車輪我馬亦玄黃憶昔出門去臨別重傍徨九月無裳衣五月無糗糧酸辛各自愛努力願相望悠悠二千里安得到汝旁中宵不能寐輾轉心憂傷

馬任遠

夜過亂石灘

星散江猶暝輕舟過亂石水石若相爭灘頭聲淅淅石  
齒列虎牙水花散瓊液飛瀑照夜光不辨江中夕帆影  
隨波迴去石不盈尺幾入陽侯宮過此尋岸泊水際映  
沙明一望連天碧

晚渡淮河

夕景散濠梁周回淮水外方之大江濱渺爾一衣帶波  
濤起其中于焉亦氣槩沙明月在湖樹靜風生瀨憶昔  
漆園公觀瀾心自快魚水本忘情遠人欣所愛我來一  
葦渡浮雲驚世代樂意付水濱徒茲發感慨鷗鷺各呈  
聲荇藻爭作態萬慮俱東流蕭然鳴天籟

御選明詩

卷三三

馬任遠

瞿汝稷

二

瞿汝稷

黃州雜詩

明月翔雲漢何心衆憂喜管絃醉蘭卮笳斗悲戰壘盈  
缺不自期二陸從所履當此清輝溢流照山川美幽檻  
佇虛白素心澹于水鴻荒非我先酬酢巢居子云胡北  
林鵲驚飛未能已援瑟扣清角悵望扶桑埃

發齊安偶成

匣我龍唇琴勿復奏流徵要眇諧宿襟不入郢人耳念  
此中徘徊抑按從下里啣嘈聚樵牧衆愜心自鄙迴軫  
謝羣聽拂絃返吾始河魚雲際鶴曠世尚知已

王敬臣

古詩送陳憲副雨泉之任滇南

黃鵠翔四海潛蚪樂泥蟠飛沈各異塗言就性所安公  
行越萬里予留守故灘公勵王尊節九折驅無難予舍  
令伯誠有懷良未殫俱奮古人心咸思效寸丹臨岐申  
贈言睽離何足歎相期慎明德歲晚同金蘭

田藝蘅

夜投禪院

暝暝溪路轉初月隱林間孤燈在深竹清流影前山倚  
樹露欲滴扣門僧正閒宿好雅相得明發何能還

謝三秀

城南江亭

御選明詩

卷三

王敬臣

田藝蘅

謝三秀

三

旦發虹梁門暝投漁磯路春水半篙綠褰裳不可渡溪  
深煙復深遙遙辨庭樹

晚泛蕭湖尋宋人虞仲房石壁

川光鬱初霽野航恰受客天空斷雁哀水落寒沙積絕  
峽響飛泉飄飄足練白涼葉不禁霜楓林還槭槭輟櫂  
湖之陰窅兀見瑤碧恍疑太始雪拔地起百尺登眺極  
人目了了晰阡陌胡為水窮處乃有此奇石昔聞避地  
者于焉卜其宅愛茲雲木秀重以巖潭僻靡旦匪蘭橈  
或時仍柘屐遺咏蝕苔紋風流已陳迹高躅杳難攀我  
來徒惋惜商飈增暮寒旨酒若為適興盡鼓柁歸滄浪  
黯將夕

王象良

豫讓橋

義士負奇節所重在知己讓也慷慨流恩仇惟一七將  
以酬智伯勢必危襄子一往志不返肯以彼易此所重  
者一言所輕者一死荒橋至今在過者猶興起立馬對  
斜陽湯湯聽汾水

華善述

雜詩

白髮白更長白花白更香春風一相見歲月久難忘君  
耕石田熟余亦起羣羊

山中作

御選明詩

卷三三

王象良

華善述

四

達士貴薄遊幽人安坦步耿耿梧月初蕭蕭竹風暮握  
蘭青厓陰采蘋寒水渡荷衣秋始製何用畏多露

荅錢化臣

玄蟬餐清風長日鳴茂林蟋蟀飲繁露永夜莎根吟二  
蟲夫何知聽者多苦心絃桐與無絃視之誰非琴曰余  
室湖渚開口當遙岑旣無簪組累又鮮轅馬臨終歲足  
暇豫長謠散幽襟偶爲好事傳詎取時名侵媿君錫嘉  
譽撫已安可任

庭草作花有感

中庭無嘉植青碧翳芳草秋至花亂開翠色亦自好旣  
不藉澆灌復無採摘擾無名且無種生意可常保

梅守箕

詠懷

愛極翻自疑驪極易以悲所以樂莫樂固在新相知皎皎中天月虧盈尚有時惠思念疇昔怛無好懷歲暮空堂上明星照我扉身各天一隅安知渴與飢慰我同心人膠漆未可期

索處無適懷羣居無怨尤素交夙已盡闌闌起相仇甘醴善迎人終始寧爲謀同心託蕭艾一器戒薰蕕匿怨而友人見鄙于左丘信哉朱穆言獲我心所求

古詩

日月易流邁哀榮曾何期霜霰忽來集衆芳忽已辭物

御選明詩

卷三

梅守箕

梅鼎祚

五

象貴其新故心誰當持懷念如夙昔中情苦不怡人生一世間離合亦有時超忽即變化展轉焉可知

梅鼎祚

雜詩

智愚無常稱妍蚩無定容名德貴易立顰笑賤難工登高疾赴響所處固已崇流俗快目前安得察其終

雜感

忽忽中不懌駕言陟高丘高丘臨四野湛湛長江流豈不懷所歡欲濟無輕舟佳期曠何許歲月條已邁蹟往旣非故撫來難豫謀俛仰千秋間涕下不能收

吳元樂

春日有懷仲仁

獨行墟落間舊徑生芳草一見蝴蝶飛三歎青春好故人不可同能無傷遠道

宋登春

留別榆關知己

促駕遠行邁迢迢事東遊紉蘭思楚澤結荷憶吳洲嘔欽尊恒麓迤邐凌燕陬所歷無停跡居然隘九州投志在道義脫劍爲誰酬念子宿昔交欲去復淹留

山中曉起

習靜來山中長日卧松關川光媚几席山氣清襟顏翩翩雙鳥沒嫋嫋孤雲還萬物各有適無荅意自閒

御選明詩

卷三三

吳元樂安紹芳

宋登春

馮遷

六

馮遷

與俞仲蔚

仲蔚青雲姿偃蹇山澤間遺棄當世事賦詩獨精專大雅旣寂寞下接蘇李肩晨昏弄筆札几席生雲煙流傳翰墨林字字堪磨鐫相過遇佳夕春風盍和顏燃燈設清醴微奧相與宣高懷曠千載鬱鬱忘冥筮所嗟歲云暮何以奉周旋

安紹芳

山中夜坐

夜氣何蕭森空山思寥廓不知風露寒彌覺衣裳薄美人渺難期對酒不成酌白日虛牖生微聞桂花落

譚清海

西遊別貞復

君望東海歸予從西粵遊興言感今昔行路何悠悠白日往不返頽波逝東流青青澗中蒲泛泛江上鷗連枝與比翼庶以解我憂

陳有守

遊邵氏園

極目眺遠山振衣出東郭白雲媚幽岡蒼煙澹長薄登臯一舒嘯餘響應林壑空緇城市塵未諧江海諾夙心愜超曠世故任龍蠖

盛時泰

御選明詩

卷三

譚清海

陳有守

盛時泰

二

擬古詩七十首

并序

錄二首

萬曆改元予因陪貢寓婁水于俞仲蔚邂逅顧按察投詩爲贈婉孌綢繆不我遐棄離筵旣陳貽以王鳳洲先生擬古詩披省慨然因次其韻三日而畢

應文學瑒侍集

華堂秉列炬光景中夜全忻此良宴集侍坐俱忘還自慙鉛槧徒得以廁芳筵四座盡妙士醉後唱高言揮毫不停飛侍女出邯鄲年齒二八餘桃李爲面顏促膝進旨酒雕楹奏鷓絃一飲盡百卮不惜年歲捐豈不念窮困所托在芝蘭馨香入懷袖永矢願弗刊

何水部遜示寮

流英辭嫣紅芳苔敞初碧感茲春日晴忻此夏雲色高  
天下薰風中林啓瑤席閒怡衆蔚舒靜悅清商激懷中  
瑤華音門前車馬客懷刺始見投牽裳不假幘容輝一  
以遘琴樽愜所適罵坐無往人投轄有新跡幸此休沐  
閑無言朝請迫明星方在戶雞鳴以爲則

張名由

夏日田家

風過林花落雨餘溪水渾飛雲停不去低回戀幽軒夕  
陽下平楚遠樹見漁村奄忽夏已徂憂懷紆且煩四體  
弗能勤興言媿鹿門吁嗟劉景升車騎在山樊

御選明詩

卷三

盛時泰

張名由

八

蓐食茆茨下鳴雞尚蕭蕭褰衣涉遠道負耒正逍遙種  
豈不成頃陰暄不終朝飄忽風雨至歸農趣危橋其雨  
復其雨豈稀草萋萋叢林戴勝降女桑多長條

空堂

秋蟲響空堂織月下幽渚鳥驚風外林花落庭中樹羈  
棲興遠懷城阿隔秋雨耿耿良不寐脉脉以無語

秋晚

迢迢幽溪上寂寂野人居冷泠風入樹嚶嚶雞鳴墟白  
日三杯酒清秋一草廬閒花階下笑謂我意何如

俞安期

武夸

晨興命篙師溯流泛清汜鷁首轉石湍九曲茲其始峯  
巖縱異姿崖壁夾重詭參錯駭愕形萬狀不相似林林  
從孤舟紛紛列兩涘回眺天柱石端立若冠峙其上亦  
宏奧云有天池水易代投玉簡遣使歷千禩子騫謫居  
時仙客咸來止晉代八真人異姓四女子謫籍周有期  
上昇具由此控鶴彼何人曾否來主禮  
繫纜仙船巖三曲漸已及云何二仙艇中壁懸石隙歲  
月固不知神化亦奚測更無堯年潦安得逮茲息豈墜  
絳渚間天路將安適或由巨靈掌攜之化人國莫謂藏  
竅牢夜半負有力願借拯迷津衆人免沈溺

何白

御選明詩

卷三

俞安期

何白

黃克晦

九

長干客舍同周叔宗夜坐分生字

莊塗輳塵軌末路多所嬰况復歲邁盡懷歸軫予情之  
子秉高韻神恬物自輕處順鮮有觸居喧若無營偃仰  
寄一室展玩忘寢興高梧散縹帙風琴落虛聲欄卑景  
先夕墉高曦易傾幽光代明燭寒月曖前楹焚枯命芳  
醕歡燕惟平生情披語已洽疊虛時載盈寸悖得所遣  
冀此數來并

黃克晦

感時

繁霜凋草木谿谷正悽惻玄冥慘不舒改歲固云逼萬  
物各有因盛衰送今昔寧見武安門猶納魏其客

江行

江風來自北弭櫂江水南白浪聒不息遊氣昏空潭曠  
野何蒼蒼引步隨幽探鹿鳴求其牡豐草非所甘江燕  
啄不食念雛聲喃喃物性固如此遊子何以堪慨彼江  
中水衝波無定湍古人忍飢渴旨矣非空談

夢遊武當山懷鄭陽江使君

祝融奠朱方五嶽有定目胡不以叅山並列而爲六夜  
夢登其巔遊氣承我足千峯歷嶮巖如車走平陸上爲  
帝者居星辰纏其麓崢嶸羽人宮參差徧巖谷中有不  
死人終歲茹草木授我鳥跡書奇文不可讀雞鳴忽焉  
寤惋歎淚相續

御選明詩

卷三

黃克晦

胡宗仁

十

胡宗仁

立秋後夜起見明月

深夜見明月漸低西南隅光華射虛檐照我牀頭書開  
函見細字歷歷如貫珠老眼未能讀惆悵坐庭除風生  
梧葉鳴光景殊蕭疎昨方入秋序清涼便有餘

曉聞寒鳥兼呈遠客

霜林棲鳥冷曙聽語簷間爭盼朝暎出移羽就其暄籬  
外犬忽吠有客至我門問客何能早云從遠道還命僕  
燒松火炊黍慰勞煩而我尚慵卧見客生愧顏

汪元英

感述

鷓鴣巢一枝鼯鼠飲滿腹林深河且廣曷不逞所欲柱  
下有遺言所貴知止足疏氏二大夫解組辭榮祿今此  
富貴人其欲何逐逐焉知歌器水一滿定傾覆

汪元范

得吳胙虞書

宿昔與君別乃在江之陽玄陰蔽光景草木日萎黃牀  
下蟋蟀鳴野外鴻雁翔居肆休百工我獨違故鄉跋涉  
千里塗空念川無梁有鳥東南飛毛羽何輝光口銜尺  
素書戢翼向我旁感君懷好音令我心難忘開械再三  
歎意快神自揚離居無幾時所惜道悠長此身非雙鳧  
安能日頡頏

御選明詩

卷三

汪元英

汪元范

傅梅

二

傅梅

園居

晝勞夕得適幽軒成小憩峯色落空青池光起浮翠須  
臾暝色深繁星看欲墜新月下疎篁微風動檐際樂此  
坐忘言悠悠更忘寐

汪樞

早秋刈穫述懷

杲杲朝日升垂垂水田熟爾爾呼白雞決決飲黃犢稍  
稍溽暑收灑灑露華沃庭戶絕追呼春秋足魚菽卒歲  
計所餘修我牆與屋男悅女欣欣杯炙勞僮僕躬耕一  
丘田飽食詎非福

周應辰

古詩

行行重行行夕陽在崦嵫暮鳥有倦翼寒木無榮枝少壯不逢年垂老誰見知

吳宗儒

遊黃山

九月秋氣高抗策恣遊眺天都陟崔嵬洞門入窈窕緩行憩松根徙倚臨霞嶠探奇壑轉深攬勝景逾妙山蹊縈以紆石壁陡而峭瀑布挂晴川懸厓迴夕照地與仙境俱凌厲討佳要孫阮予非倫于焉學長嘯

傅邦柱

御選明詩

卷三三周應辰潘之恒

吳宗儒

傅邦柱

一二

雜咏

鸚鵡多巧慧交交調好音翻飛嘉樹杪毛羽殊衆禽一旦遭量爲萬里辭故岑彩絲緹緹趾雕籠照翠衿徘徊當簾幕聰慧增苦心鶯斯微以陋提提蓬蒿陰

潘之恒

贈馮顯甫

園中青琅玕娟娟間新綠上稍拂穹霄餘輝陰華屋傾枝如有俟孤植非所卜低藪與幽篁嗟哉豈鳳宿客從遠方來遺我爨下桐飾以金玉徽摻之山水中知音苟不存將毋束薪同喟然感雍門揮淚方未終

吳夢暘

和陶飲酒

何悔不學劒豈云不上書歸來坐涼月綠水周吾廬庭  
草一以新知是春風初故人惟故心獨不謂吾疎相向  
宛夙昔豈不懷舊都舉目盛雲物安能無歡娛

茅維

夜坐讀書有感效坡老作短詩寄允兆翁晉季

豹三子

石牀橫素書漆燈挂青焰引襪不耐眠危坐意清宴瓦  
盆覆殘茗綺石當園硯索筆賦短章書成自精綯冷月  
侵疎槐荒山噉羣雁蟲吟豆花中葉墜石苔面垂頭何  
所思闌干忽憑遍一入靜者懷機鋒似張箭恨無三益  
御選明詩

卷三

吳夢陽  
茅維

謝兆申

十三

友相對發綺辨露濕還松房青林火不見

謝兆申

別意

我行且登舟子莫徒離憂眷戀我側去去難久留歎  
息成參辰愁思不可抽丈夫在四海譬彼水浮舟聚散  
無定期感子敘綢繆

王野

出郭訪王叟園居

遙想棲託佳春霽引坦步鳥聲牆外聞花隔鼻先悟入  
門及賓館宛若下山路葱蒨清意滿簡密幾叢樹衆草  
冗不芟存爲蠢動寓草木遂本性愛物見平素人靜池

出魚屋衰梁飽蠹壁苔如畫山天然卧遊具園叟齒逾  
耄似鶴林間遇內深冥真寄外淺備禮數恍惚異世人  
相對心疑懼雖疑且盤桓嘯歌日至暮

范洵

送顧生仲默

日日好攜手我閒君亦閒侵晨出郭門月落猶未還云  
胡輒改途彳亍車塵間

遲吳疑父不至

故人宛何在坐永芳時別時櫻桃花離離子堪擷顏  
雲忽成峯喧禽將反舌觸緒悵多違絲棼焉可絕

重送戚不磷遊登封

御選明詩

卷三

王野

范洵

吳鼎芳

古

入門復出門平疇綠如砥春風吹柳花隨君日千里望  
望緱山雲心輕別妻子

吳鼎芳

靈峯山房夜起

寥寥青蓮宇出步夜方永蟬鳴四山秋鹿飲一潭靜圓  
月當碧空孤塔立無影花落樹猶香竹深澗亦冷煙光  
散如水明星上高嶺

荅松上人過訪不值

孤踪石上雲飄忽本無住門外即青山一瓢向何處離  
心寄春草柔艷欲飛去引領生白烟花落祇陀樹

柳浪溪

山青秋雨後人坐秋風裏平沙下鷗鷺簌簌動蘆葦夜  
半明月光漁舟弄空水

虎丘菴苔蔣十

偶坐已夕照徘徊夜復深西岑見新月隨露聞松林覺  
有幽人來隔窓動微吟

巖明甫園中

爲園剛一畝生事已云足日午聞雞聲炊煙起茅屋石  
色秀可餐林香暖盈掬相見無寒暄惟言酒新漉

宿江上

山色下空江江光動舴艋霜楓紅不盡已入暮秋景來  
雁忽有聲歸雲漸無影醉卧蘆中花月高夢魂冷

御選明詩

卷三

吳鼎芳

十五

泊北固山下

夕陽江色遠艤棹潮初退獨客吟清秋沙鷗冷相對水  
氣上城根風聲隱巖背漁舟載煙火撐入菰茭內

寺夜

林坳動蕭槭橡葉走簷際柴門夜忘關山風自開閉邑  
邑如有懷遙遙轉無寐佛燈清可依城柝冷相遞斜月  
苦近牀巖霜白滿地

度嶺

林僧言別去自憩松下石紅泉界空翠巢居叫霜笛夕  
光淡西水千頃成一碧冷信雁傳來秋容楓點出閒雲  
滿懷袖邀我過山脊

過高峯菴

林迴覺路枉路枉亦自適光風不作寒吹烟半晴濕澗  
春多異芳嶺月少行跡犬吠空山雲山僧杖藜出

夜至西溪

旋洄昧港脉輟棹蘆花灣迴風泛清響梧竹秋珊珊涼  
月出復沒亂峯凹凸間峇堯棲隱處隔雲見故山故山  
如故人一見開心顏

吳兆

離夜

白露塗蘭堦秋燈耿離席風景淒以清情思紛如積隴  
隴庭樹光送君立門隙昨夜秦淮月今照板橋客

御選明詩

卷三

吳鼎芳

吳兆

七

武夷小桃源訪劉道人

崢嶸入陷石石徑轉逾窄劃然洞門開斜光一道白龍  
湫流暗穴烏篆繡苔額窮源有古村二三避世客避世  
非避秦棲心鍊精魄春田自耕刈衣食無需索風動棕  
花落雨過藥苗摘鶯啼林木秀犬吠暮空碧居然衆山  
中遂與衆山隔坐久恐迷誤歸路誌前石白雲洞口深  
似杜重來跡

秋日雜詩

新穀望將熟無田安可希飢驅兒女去同拾遺穗歸鳥  
雀爭喧啄不忍相逐飛夕春朝作飯朝春夕作糜賴此  
保朝夕我心實傷悲爰思古之人貧賤甘如飴牧豕上

林苑逃耕蒙山陞道勝聊自慰欣咏衡門詩

喜雨

沛然時雨來芄芄禾黍起我固無所望亦為鄰里喜晚  
向西軒眠谿雲滿窓八明日釣潭側應深幾尺水

秋野間行歸而有作

早穀已登塲晚禾尚栖畝欣欣足慰飢望望非吾有荏  
苒十年間蹉跎東西走結交吳楚士氣味少淳厚徒令  
田園荒轉與琴書負歸來掩荆扉趨向寡親友日月忽  
已除秋氣凋榆柳卒歲何寥寥涼風吹戶牖念往固已  
遷嗟今將何守勗哉黔婁言斯志儻不苟

徐允祿

御選明詩

卷三

吳兆

齊菜名

徐允祿

徐應雷

十七

贈丁長孺中翰北上

浮雲滿天地君子意何如庸庸不可為矯矯亦多虞長  
路自此始願言遵康衢安得執鞭弭從子以前驅

徐應雷

寄陸純孫

神魚樂深淵奚必易水潯威鳳集高岡奚必燕山岑登  
臺眺大江蒼蒼楓樹林眷言懷吾友忼慨為悲吟鴻雁  
日南飛助我厲商音悲哉歲將晏况此天涯心

齊菜名

送員倩姪北遊有懷越石

浮雲澹秋陰涼颺振高木素質發商聲晚花霏餘馥明

發秣驪黃成袞促童僕燕趙多佳麗驅策恣遐矚送子  
遠將之行行復孑孑白日忽以沈夕景曖平陸霜驛漬  
相紅寒燈照酒綠會日渺何期別畧有成速倦彼夢草  
人吹簏不成曲仰聽離鴻鳴沈憂心轉轂寄言畏途艱  
勉旃慎自玉

吳沛

西墅草堂初夏

結茅在西墅差遠塵市喧漠漠天宇接遙青納短垣榆  
柳當窓搖清陰罩八痕鎮日少過客不知接送煩家貧  
饒藜藿一飽腹自捫高低五男兒暇即與討論千古在  
目前絕學垂憲言浮榮何足慕潛心味義根我愛夏初  
御選明詩

卷三

齊萊名

吳沛

六

長寸陰當思存

觀穫

秋事告方及萬寶已觀成高下盡垂穎但祝秋常晴婦  
子腰鎌集老稚曳車行相顧樂相笑飽飯不欲爭有叟  
頗好飲分漩在香秔力田苦終歲聽飲腹易盈

向午睡初足駕言陟前岡刈歌互相荅因風與之長棗  
實何纂纂雜間梨與棠田叟具壺榼相飲已夕陽不覺  
城市遠仰見歸鳥翔

篝車亦已滿還入此室廬牛羊下日夕煙火生柴墟鄰  
叟無兼累樗奕何軒渠將以娛村夜濁醪與之俱人生  
百年幾憂患胡爲紆

秋涼入林薄四壁蛩聲傳稚子還讀書青燈西牖偏六  
經乃菑畬寸陰良足專先世鮮中產胼胝資遺編賸言  
彼良農逢年在力田

卓發之

題畫

瘦石橫奇姿江梅舒素萼芳影入簷楹流光恣清謔照  
耀白衲僧孤雲映寒鶴如何咫尺間便似遊寥廓

王龍起

寒蛩

寂寂冬夜長燈火輝微光寒蛩窓外鳴皎皎月入房何  
由迫人耳鬣歸在我床感懷難就寐曳屣步中堂凭欄

御選明詩

卷三

吳沛

卓發之

王龍起

元

細傾聽忽遶樓上梁風多不成曲啾唧愁予腸伊伊重  
縷縷持此爲誰傷空簷鐵馬動悲聲相抑揚正當霜漏  
盡幽咽倍淒涼

鄭肩驥

芥浮閣

結廬翳城市亦足成隱居耽寂乃非性習貫亦晏如時  
有素心人談笑同草蔬且喜足莞簟幸不礙圖書高原  
湧積翠好風起庭除竹景散窓紙花香浮衣裾睥睨夜  
月永几閣朝雲徐漫興差筆墨放步但菑畬靜愛佛龕  
幽閒狎老農愚宇宙豈不廣閉門徒趨趨周容空爾爲  
中心實難誣頭顱久冉冉次第及髭鬚世味差能薄何

爲復忍濡與世淡無事夏屋空渠渠所以古人言吾亦愛我廬

東風入林間春事看已馥鏡裏髮方華樽中酒初綠日將蕭灑意靜與良辰逐最宜簷蕭蕭時苦偏憐畫穆穆撫几攤故書聽泉到新瀑高歌偶當窓什筋或村塾往來地自偏俛仰天如沐畏聞剝啄聲愁東問事牘惟餘二三子相尋來不速亦知四壁空忍使兩峯感聊復安容膝未省辭脫粟飽食幸無事此外百不欲少遊哀大志老聃戒爲目每笑學奕人所思在鴻鵠斯言差我心傲名非傲俗

魏冲

御選明詩

卷三

鄭淵驥

魏冲

曹昱人

三

從鄧尉靈巖天池諸山歸治平

落葉千峯黑籃輿問何處犬吠知有村石蹲疑虎踞童子數相失前後遙相語望望漁火生還歸石湖去

豐越人

晨汲

晨汲往東澗澗石何齒齒遊鱗旣濯濯清流復瀾瀾天翠翻在下丹霞亦孤起冷然會我心濯纓乃空水撫茲成一嘯因悟無生理

積雨懷屠田叔李賓父

秋來霽無時江光夕如縷徘徊空郊雲蕭條雜飛雨曠望極暝色疎花澹風渚層城有佳客相思一延佇林霏

莽復合孤煙鬱平楚何當遲皎月長川下柔櫓

徐穎

見落花

流景忽西靡芳樹春易遷落花與白髮不得相周旋持此汲汲心詎敢戀百年陳酒開古書其人已如烟逝者勿復見但爲飲者憐

朱治憫

麥章閭贈硯

麥君遺我硯采自羚羊峽鸚之鵠之眼審視碧光眨白如蕉葉萌黑比魚雲壓中有青青花瑣細不可掐山川蘊精氣匠石變遺法雀斑幾點露鮪血兩邊夾外規直御選明詩

卷三

徐穎

朱治憫

楊文驄

三

且平中池淺而狹注茲水一泓三宿尚容畝我來吏端州判牘日鈎押勞人何草草有時服靺鞨頻年硯欲焚是物不我甲朝來三摩挲貯以琉璃匣他日抽簪回蓬窓恣賞狎作詩崇禎年月涂歲協洽

楊文驄

遊太湖龍觜

晚色澹將夕探奇出林藪大龍與小龍礪齒震澤口鱗而鬚鬣張哈呀悉諸有落潮洗泥塗寒玉森戶牖淘沙尋金書人各繫在肘吾欲窮其幽慮爲鬼所守肅然袍笏侍下拜不敢苟豈知層雲根乃勝洞天九

鄭鄞

老樹

氣暖草木秀乃當搖落期物候自然異榮枯豈有私  
深山老樹寒不受風雪欺露根冰崖上亦自生理滋  
感此耐深念獨立高秋時

飛來峯山房即事

峯來自何年到此遂常住陰森碧雲寒岩巖空翠注  
松竹滿纓絡着目秀可數洞壑迴玲瓏轉入靈氣  
沍此中誰往來疑有真人聚冷泉繞峯出峯頭滴雲  
赴山亭署翠微尚有蘄王句英烈想當年蕭疎蹇驢  
步小坐發長懷兩峯片雲吐遊人跂月明雨到亦堪  
賦陰晴理何常山靈自朝暮夢闌一宿覺待向三生  
度

御選明詩

卷三

鄭鄩

姚孫集

徐石麒

三

姚孫集

久雨新霽喜殷氏兄弟邀飲

閉門十日陰門外喧屐齒已聞前谿漲更見屬垣圯  
曜靈胡匿輝風雨橫如駛暮霞照東隅魚尾差可擬  
凌晨下檐楹邂逅逢之子相邀卧甕頭一斗飲未已  
醉翁意有在歌者聲且止

徐石麒

贈同鄉朱六符

予本同圃蒿飄在天一端咫尺紛與梓邈若霄漢間  
翔鳥憩前林猛虎戀故山傷茲遠遊客中夜積悲歎  
忽遇故鄉友驚喜相盤桓把臂問舊事者舊半摧殘  
憂根長

愁條淚下如奔湍樽酒非不旨安能起沈歡幸君到故園爲我傳平安

謝劉太史湛陸惠詩

予曾過大梁臨風懷伊摯秉耒耕莘疇遽抱唐虞志一民不時雍內溝發深思此道久已陳夫子願躬試文行動至尊龍頭親簡置既窮太乙奇復發鴻寶秘早晚宜相麻天下乃得治麒也嵒窳人所受盈其器承乏白雲省爰書失聖意投荒分所宜而况僅播棄譬如累碁者累高勢自墜烽火滿近郊逐臣正遷次感君懷芍藥題扇以相遺奄然蓬蒿人儼若佩華璫此情何可酬此念何可寘頓令松柏心白首欲自刺

御選明詩

卷三

徐石麒

郭紹儀

李模

三

郭紹儀

遊仙詩

少室垂三花盈盈秀菌閣我軀一卷石偃蹇卧溪壑輕陰歛素秋虛篁散紫籜自得枕中秘始知塵外樂容成采玉芝抱朴煉五藥矯首鴻天長此志欣有託

李模

寒夜有懷

浩浩夜氣長霜氣凜寒衾思來乍如髮繚繞不可尋清夢倏飛越山海何崇深孤月懸青松鶴子多奇音戶牖洞開豁中有綠綺琴

侯峒曾

晚行餘杭山中

解鞍一散步羣峯亂將夕浮嵐羃遙青喬柯拂深碧須  
史落霞散銀紫紛狼籍尋蹊得絕澗驚濑互歎射有如  
翠蛟舞飛下三千尺一步一回顧已覺耳目易此景宜  
急追一失難再獲

侯玄演

雜詩

道喪向千載百家日浸淫如彼鎗磬歇逐響遺其音元  
宰何微茫悠悠費追尋世皆尚雕飾未敢明此心微言  
會將絕太息空撫襟

袁繼咸

御選明詩

卷三三

侯炯曾

侯玄演

袁繼咸

三四

讀謝臯羽西臺慟哭記

南方有朱鳥飛中虞人弦飼以金精粒對之不下咽粒  
味豈不旨不如南土泉黃冠志弗遂碧血流濺濺有客  
感意氣慟哭西臺顛擊碎鐵如意悲響震嚴川歸舟不  
成寐髣髴語燈前嗟彼積翁羅我非雀與鳶夢炎何足  
刺知已殊未然周粟不可茹箕疇曾未傳生死良非苟  
忠孝各自全謝子幽明契聊以秘懷宣言罷倏不見月  
明高在天

董守諭

憶婁子柔

與君隔山川邈然託素臆靜言想德容淵致若不測宛

然河汾生論文篤悃悞使我飢渴懷如飽秋稼穡斯文  
儻我期願言求懿德

萬元吉

遊月巖謁周元公廟

中歲不聞道汎汎逐萍梗緬懷先哲型沈憂不出頰茲  
來矚巖月鬼斧鑿天影尺竇洩素雲一星射瑤井物理  
竟何如退蹤忽深省元公昔幽憩萬慮悉以屏陰陽動  
靜初澄心得妙領于焉瞻遺廟百世尚嚴整冥心無極  
前衣露遍清冷

馮一第

旦山避暑擬陶

御選明詩

卷三

董守諭  
魏學洵

萬元吉

馮一第

三

築屋俛城郭時覽物外清閉戶納山影開窓峯壑生青  
青萬古色衆動自虛盈頗悟人境裏高懷自縱橫  
結廬傍虬龍樹高千百尺葉響吹江上橘洲清歷歷帆  
影參差去北望洞庭極

滿閣綠陰生納涼適我情好鳥坐簷角細矚句讀聲偶  
影爲欣賞仰看木華榮休夏且自恣坦然思時名

魏學洵

擬古

遊思隨飄風遠歷杜陵道道旁合歡花悉成斷腸草紅  
顏不堪駐妾愁君亦老爲樂逮良辰歸來何不早人生  
數離別百年非壽考擾忙風塵中榮名詎爲寶

所思不可見彈古相思曲曲中竟何言理短情自促野  
卉非不香采之徒躑躅今日白頭吟昨日黃金屋

和陶

志士有奇懷何爲翳我情吾身如聚沫所寶非榮名但  
問寓世間何以了一生秋風墮枯葉慄慄心自驚時哉  
不我待淹留欲何成

夕陽在高柳黃葉依風飛我心匪傷秋不覺心獨悲慷  
慨向前行動念多所依長道渺無吟究竟將安歸中夜  
發長嘯一嘯百念衰但得此中樂百年願無違

問余何所好所好在六經不作亦不述好古未有成笑  
彼百家言夏夏何紛更屏去勿復覽閉門書黃庭滴露  
御選明詩 卷三三 魏學海 吳懷賢 三六  
小窓前好鳥向我鳴此際意無限默默緘我情

讀史

魯仲連

鄙夫寧一身身外匪所計有如魏帝秦何與魯連事先  
生獨侗儻慷慨決大義白日走秦兵誠哉天下士

吳懷賢

喜雨

黑雲漫四山殷殷雷聲迅麥秋正及時忻逢時雨潤淅  
瀝打窓過溝渠盡流瀆旱久有如此喜不獨田畷從茲  
卜豐年倉箱佇充牣

念彼幅幘廣生成藉化功三時苟愆澤何以望芄芃銀

河瀉九天沛澤何冲澍原田忽膺潤青苗交遠風始知  
蘇民困蒼蒼本大公

王清臣

述懷

人生如泛梗飄飄殊無根飲啄得幾許營營晨與昏對  
此春日好荷鋤出南原近觀草色敷靜聽鳥語繁有身  
貴適意窮達安足論

李世熊

和陶擬古

茫茫宇宙內美者長不完玄豹裁爲裘紫貂製爲冠豈  
以文采姿助人爲容顏所以養志者蓬累甘抱關胸中  
御選明詩 卷三 吳懷賢 王清臣 李世熊  
倣儻意微見于毫端趙璧寧肯獻隋珠詎輕彈尚父雖  
鷹揚不如鍛羽鸞編茅茹木實聊以禦飢寒

和陶飲酒

鳩能知天雨鵲能知天風嗟哉此微禽託命風雨中用  
志久不分遂與造物通吾亦晚有聞天道猶張弓

田狩龍

新構鍊石閣于惠山傍秋日與華閭脩夜話

豁然山氣清秋色是人目葉脫樹愈古依山結矮屋中  
有酌泉人著書雙鬢禿忽聞剝啄聲巾車訪空谷後園  
采病蔬破甕葛巾漉溪山欲日晚淡靄入山腹聳肩恣  
苦吟陶潛盈把菊短檠坐黃昏相與媚幽獨山風生夜

涼亂鴉噪林木

陳衍

善才岫夜坐

江煙吐寒燄倒映星河明潮回石勢險孤岫西南傾扶  
筇倚危坐仰攀崖樹橫夜色一何曠波濤良未平奈何  
羈塵鞅促促浮此生吾愛鄭子真谷口田可耕

送潘子木

送客上高樓樓高望客舟但見帆檣立不見客回頭始  
知登遠道兩情難自保

聽泉閣早起

山曉天氣肅眾星望已空殘雨戀宿雲猶在寒巖東物  
御選明詩 卷三 陳衍 葛徵奇 李奇玉 三  
象紛勞役明晦互有窮琤瑋石上泉日夜流無終

葛徵奇

晚眺隅園

三月十日雨薄霧花濛濛小大澗壑鳴百道源相通潭  
魚躍新水園竹抽春叢禽鳥忽變聲迺知天氣融登高  
一以眺澄覽眾慮空玄理羣所貴耳目悅且充于焉坐  
垂釣自擬滄浪翁

李奇玉

潭柘寺讀書

讀書潭柘巔身在白雲裏開軒豁遠眸風瀑洗心耳古  
木挂青蛇云是二龍子下方鐘磬餘僧寮各棲止山童

剔殘燈掃葉烹泉水闐然羣籟寂明月射窓几

徐柏齡

春日

風聲起松末窈若萬壑深誰謂市井喧遂無天地心可惜天桃花不言萎空林明年縱復開顏色不如今

張溥

贈姜如須

獨立見明月與我山水期潛虬自岱澮高深萬物儀理楫陶賓客樽相逢河澹一見即狂笑別遠何所思擊缶期永夜樂莫心相知

姜垓

御選明詩

卷三

徐柏齡

張溥

姜垓

三

寄吳學士

飄飄楊白花溶溶大江水天衢旣阻修良人隔萬里妾身如飛蓬貞潔聊自矢朝立青雲端暮倚朱樓裏四顧多傍徨塵沙蔽野起梧桐摧爲薪蘭蕙化爲枳中夜坐長歎皓首思君子

楚山有良璞昆池有奇琛投之非其主誰能明我心掩袖向前浦驅車出丹岑延頸蓬島上白日忽以沈北首瞻行旅邊雨正浸淫念我平生交淚下沾衣襟

楊廷麟

懷楊進士

青青東門阪上有蘿藤結願得一心人白首無磷涅周

才慎所處不敢居明哲開戶見性情羣動齊巧拙翔鳥  
安其巢離獸營彼穴萬物各爲友吾生何所悅名山豈  
易求耦耕效長桀

陳宗之

擬陶

藹藹堂前木時至忽成林首夏方澄和凱風散幽襟我  
愛白日靜觸物每微吟息影盤石邊時鳥懷好音鼠壤  
有餘蔬東醪聊自斟雖無高世軌撫已安夙心先師有  
遺言謀道匪自今已矣何所羨林棲豈在深

登翁漢津冰臺

朝卧采山堂暮登漁山閣漁采俱在山始信湖中樂閣

御選明詩

卷三

楊廷顯

陳宗之

三

盡有高臺茗堯出寥廓茫茫笠澤帆隱隱浮屠峩峩秀  
無匿覽波光恣開拓始冬似佳秋風日猶晶灼古樹儼  
當階黃葉深未落葛翁不可招丹竈安所託空餘泛宅  
遊未踐褰裳諾宿契必有期無怨猿與鶴

遊金菴

放棹非有期泛觀湖中山偶然入幽境遂叩高峯關老  
衲出肅容蒼髯映丹顏同坐絕壁下始知身世閒飯我  
青精香供我綠菊斑葑山背已沒金菴徑可攀歸塗歷  
清溪荒寂幾灣環萬堆黃葉中清磬激潺湲月出每孤  
往又逐漁舟還

御選明詩卷第三十三

御選明詩卷第三十四目錄

五言古詩十九

陶汝鼎一首

吳本泰三首

王潢一首

徐銘敬一首

徐之瑞一首

劉同升一首

堵肩錫一首

蔡道憲一首

陳子龍八首

御選明詩

卷三十四  
目錄

沈宸荃一首

方以智七首

朱朝瑛一首

湯來賀一首

高承埏一首

祁熊佳一首

周世臣一首

姚奇胤一首

徐孚遠二首

錢棻二首

徐枋二首

宮偉鏐二首

張若羲二首

趙庚一首

黃淳耀四首

吳易一首

張家玉一首

劉曙二首

葛一龍五首

朱茂暉一首

朱茂曙一首

許正蒙一首

御選明詩

卷五  
目錄

馮鼎位二首

王廷宰一首

楊士傑一首

劉思祖一首

張鹿徵一首

歸昌世十首

萬時華三首

卓人月一首

吳天泰二首

周岐二首

劉應期一首

郭金臺三首

項真一首

劉城一首

沈壽民一首

周立勳一首

邵濂一首

高秉渠一首

江必顯一首

譚貞和一首

張屈一首

鄒斯盛一首

御選明詩

卷三四 目錄

華淑一首

李翹二首

吳棡二首

金是瀛一首

吳騏六首

朱茂凋四首

王鎰一首

御選明詩卷第三十四

五言古詩十九

陶汝鼎

金正希招集練江醉宿清淨寺

冬霜萬壑陰江永日將夕畫舫泛容與川暝光愈白急  
風吹燭花谷響合歌拍小榼僧厨來蔬笋界方格語笑  
酒易傾如以桐扣石柱史如枯禪城市無一宅酒深思  
啜茗同作虎溪客貝葉啓禪書梅花落瑤席坐久聞妙  
香一榻隨所擇睡鄉鐘鼓鳴林鳥翻旅翮吾亦步下山  
佛燈猶照壁

吳本泰

御選明詩

卷三

陶汝鼎

吳本泰

任丘張氏園藍田先生授經處

不識魚君陂幸識魚君令城隅敞臺榭水木相翳映謂  
予此棲遲差可閒眺聽是時秋氣深白露漸蘭徑瘦石  
裏苔斑寒花棲蜨暝女牆邏柝喧梵閣宵鐘應慮淡羣  
物輕時危百憂并皎皎明月枝驚鳥棲不定茗窓靜披  
覽冥緬獨無竟昔賢曾授經履屐痕猶賸

臨淮道中雪

昨日春氣暄僕夫俱喘汗今晨北風厲雪花卷行幔天  
時自迴薄人意驚錯換况乃事徂征惻惻羈魂斷長淮  
望不極鍾離道方半踉蹌赴郵程渺瀰惑阡畔暝鴉寒  
不呼翻飛忽零亂車上冰滿髭車下泥沒骭紅燭映深

簾寧知旅人歎

陋巷井

改邑不改井泠泠無古今原泉何方來或是泰山岑仰  
之既彌高俯之亦彌深屢空其庶而澹然助齋心仲尼  
飯蔬飲應與共酌酌禹稷憂飢溺易地同所任至味無  
異旨樂哉此中尋

王潢

宿松風閣分韻得吟字

靄靄歲云暮風雨恒見侵小霽憩山閣蕭颯吹寒霖澗  
壑亂餘響鐘鼓沈清音蒼蚪卧蜿蜒拏攫力不任羽觴  
亦以歇剪燭聞鳴琴嘿坐得冥會擁褐成孤吟須臾微  
御選明詩

卷三

吳本泰  
徐之瑞

王潢

徐銘敬

二

霽集晨起雪在林樵徑斷人語四野號飢禽皎皎二三  
子貞白同松心炎暉諒可竅見現消重陰

徐銘敬

山行

峯巒媚奇景烟華合芳甸澹澹晴疑雨江村半隱現春  
水清不流悠悠山谷轉小橋度幽居山深人不見佳地  
正難值紅塵妬清燕白日原上微回首暮雲變

徐之瑞

雞鳴嶺

披榛陟山椒輒摧馬盤桓歷險未云疲逶迤入雲端仰  
探巖谷偈俛視井邑殘千峯列遠戍兩崖壯重關垂蘿

蔓幽壑怪松支危垣灌木鬱蕭慘哀風嘯叢萑乘墉或  
失恃務德誠所難蟋蟀在牀下我生詎遑安勞勞多苦  
辛惻惻起悲歎

劉同升

由百花溪溪登玉笥山

朝看山出雲暮看雲入笥山行若無蹊恰有青童至指  
點絕壁間仙臺藏勝地藤枝匪易攀屐齒猶可置日午  
聞雞鳴巖椒啓金字出險坡漸平劃然入境異連峯涌  
下界撲面聳層翠因過丹竈房縱覽紫微志白花雨外  
明紅果林間墜晚食供芋魁晨鐺倒茶櫃坐久慵下山  
踟躕想真寄塵網詎得辭幽期偶然遂

御選明詩

卷三

徐之瑞

劉同升

堵侑錫

三

堵侑錫

感遇

古木生高原返景清光入曠野無縈懷寒暮見榮特蒼  
皮剝蘚露森陰涼蘿月萃律風雨欽愴怳鬼神格以茲  
老柯幹應有奇胸骨危立神不怡念子令人惻

蔡道憲

荅居岳麓者

蹴碎岳麓雲剪斷湘江水楓丹染院深高飄菊衣紫竹  
露垂朱霞霜華拂劍齒聞君多苦心  
中夜嘗數起敲火  
作長吟山鬼驚偷耳特寄素心人虹捲吳縑裏早晚欲  
行尋相將索奇字

陳子龍

仲夏直左掖門送彞仲南歸

金塘迴素波中有雙鴛鴦託身在清禁和鳴君子旁顧  
此同林鳥孤翼忽南翔生平志慷慨何事獨難忘本爲  
四海人豈得常相將丈夫重知己萬里同一鄉黽勉效  
貞亮德輝在巖廊莫憂青蠅多和璧貴善藏執手不能  
語悵矣結中腸

雜詩

日夕登高臺馳目窮千里衆星燦雲間經緯誰能理神  
哉玉衡運天樞無終始上有瓊瑤宮紫皇日端委我欲  
乘飛鸞銜書碧雲裏聲殷途逾遐心長情何已懷中五  
御選明詩

卷三四 陳子龍

四

色石相見徒磊磊

山椒微風發薄暮遲佳人頽陽澹林表素月生河津佇  
立懷往路時晏多苦辛君家青雲樓瑤華艷當春臯蘭  
亦有芳欲寄良無因歡愛豈足重要使恩誼申浮雲誠  
易阻白璧終見珍

至道無相非末流乖心迹高懷苟不亮執誼日以積賢  
隨貴同用愚與賤交役騰名自有階投譏豈無隙營營  
棘上蠅可以攜金石履純思寡尤超方鮮奇策毀譽苟  
未忘顧影慙跼躅

尚口自有窮捫舌豈我欺伊予昧機變率性不自知遇  
物皆裏言當險若履夷于已固弗慎安望人保持俛仰

生平內常與悔相隨沈默苦不早壯盛忽若馳世人貴  
形迹君子敬威儀臧否聖所誠南容真我師

賦得浣紗石

越紗出機中剪向春風裏皎若秦川雲飄揚隨淥水佳  
人臨淺瀨無言空徙倚不惜紅顏勞素絲誰爲理歛衣  
入中林澄江皓千里青苔日夜生沈思竟難已

苦雨

洩雲屯層嶺密霧瀰空林南山發殷雷北郭滯愁霖紅  
泉落虛壁淥水漲遙潏危條飛廳宿莽聚鳴禽桃英  
蕩華色麥穗悲陸沈天畢騁所好屏翳日相侵徘徊華  
軒下彷彿碧山岑昏墊蕩下土沈冥符道心側想零雨

御選明詩

卷三四

陳子龍

沈宸荃

五

篇空懷梁父吟

初春雪霽

昭昭青春暉散此芳林曙陽條披惠風陰巖積幽素鮮  
華映雲峯澄霽明江樹菌閣見參差麥隴開迴互中庭  
蕙草生曲沼文禽聚端居淑景移極目淵賞遇雖滯懷  
祿情未緬丘園趣履道任清時守真謝馳騫

沈宸荃

謁梅子真祠

粵昔南昌尉志存匡社稷上書糾時宰孰云非臣職漢  
網已弛綱顛木難再植明哲早見幾冥鴻避矰弋隱跡  
吳市門學道此山側豈同養生家脩鍊資服食旁有濯

纓池丹井字并勒昔人驂鸞去無從辨虛實藥苗長幾  
何求之或可得酌酒坐高岑浩歌瀉胸臆

方以智

古詩

嶺外稀繁霜草木不黃落窮巷生陰風客心乃蕭索斗  
杓指實沈勾陳半隱爚蟋蟀滿牀下篝燈夜懼懼此地  
羅浮山古人嘗采藥何不披短衣入山飽藜藿曉從外  
來者皆言道路惡我欲依神仙神仙不可託

東北覆陰雲其下吾故都中路一奔走恨隔天一隅虹  
蜺下平地曠野秋荒蕪翼日大風雨慎勿臨長途人傳  
使者來旌旗蔽通衢嗟我遠遊子不敢同馳驅道左發

御選明詩

卷三百

方以智

六

長歎歎者一何愚

海渚無橋梁日暮波浩浩車馬不能通遠望怒如擣浮  
雲日以變我親日以老萬里飛煙塵天末傷草草夢見  
故鄉客言歸苦不早舊宅屬何人斗大梧桐槁親戚有  
書來書中何所道上言鄰里殊下言故人少

和陶飲酒

子安問黃鵠萬里將安飛八極紛茫茫中路能無悲三  
萍飄大海風波還相依安得如潮頭朝夕自言歸一經  
離亂中盛年忽已衰有心不敢推有口當依違

擬古

曲閣臨廣陌下折楊柳枝上有愁思人終日不披帷雜

珮何玲瓏實爲君所遺被服至于今未嘗少乖離夢寐  
難以逝願托東風吹迢迢萬餘里君心焉可知安敢望  
君心惟念寒與飢

青青園中柳當我西南牖征夫從遠來一路平安不艱  
難萬餘里涕泣不能口辭家未數年家人皆皓首貧賤  
易出門別離一以久朱華被霜露焉能不速朽呼兒辦  
麤飯聊樂不爲厚但得故鄉人日飲故鄉酒

寄梅朗三

陰雨忽成雪北風吹樹林江流日千里安知遊子心中  
夜一何寒自撫雷開琴瞿硎山中人其當知我音

朱朝瑛

御選明詩

卷三

方以智

朱朝瑛

湯來賀

七

管寧

幼安亦賢者無乃太矯飾牽牛蹊我田而自與之食吁  
嗟有深意衆人固不識于戈日相尋聞此庶少息

湯來賀

過舊寺次拙菴韻

將霽辨羣峯微雲在孤嶺蘭若隱其間潭泉心共冷衆  
卉含新色頽垣延古影靈域世情稀懷抱春日永清澗  
濯吾足崇岡振吾領迢遞見匡廬憩寂觀幽境我心多  
憧憧茲焉安可靜

高承埏

上已偕同年諸子脩禊海淀

義馭無停輪逝波焉可駐言尋佳節屆轉惜芳春暮緬  
昔蘭渚遊少長樂咸聚蕭散依林泉慷慨託毫素諸君  
跌宕士希風結遐暮濯流仍清漪蹇芳復高步觴來俯  
織鱗曲終倚嘉樹閒情釋近鞅睇目眷霞寓脩短匪殊  
途所貴適真趣各勉山水期于焉謝勞騫

祁熊佳

寓山秋夜

羣動暝已息山窓夜逾響將毋楓折膠或恐虎磨癢徐  
聞落葉翻旣下思復上氣盡信所之物各反其黨秋蟀  
吟再三流螢時一晃申旦耿不寐樂遊念疇曩嗟我懷  
沙人汨徂竟安往

御選明詩

卷三百

高承埏  
姚奇胤

祁熊佳 周世臣

八

周世臣

遊仙詩

園丘列奇樹北海生神芝翡翠曜瓊圃潛龍戲瑤池飛  
泉供漱齒白石爲療飢姮娥降洪響宓妃頷其頤隨煙  
上三島飄風凌九疑持此傲下士投簪來遠期

姚奇胤

秋夜

遙夜苦無寐起視明月光涼風天上來隨月入我堂披  
衣步前除獨立以傍徨蟋蟀旣已鳴鴻雁亦來翔感此  
時物變怨彼去日長生非金石姿安得恒壽康憂來不  
可輟慷慨吟此章

徐孚遠

擬李陵錄別詩

微雲何澹澹，星漢燦以明。  
攜手步廣除，淚下如散雲。  
征馬臨岐路，徒御多抗旌。  
方當萬里別，能不敘平生。  
與子同一體，盤石紉芳蘅。  
芳蘅自有時，盤石徒縱橫。  
一朝兩決絕，何能復合并。  
願託子懷袖，因風馳我情。

皎皎藍田玉，鏤作玦與環。  
攬環與子佩，取玦結以鞶。  
子環信纈粟，我玦鮮垢癩。  
誰知一物微，決絕義自天。  
歸雲入勾注，密雪淹陰山。  
握手臨路歧，涕泗共汎瀾。  
歎彼南翥鳥，奮飛何由還。

錢茶

御選明詩

卷三四

徐孚遠

錢茶

徐枋

九

園居次韻

白蜺飲晴窟，劃破蒼苔古。  
傾崖與迴瀑，化作半峯雨。  
深夜排空來，可聽不可數。  
山勢旣奔感，飛濤互仰俛。  
頑雲觸石碎，似鑿五丁斧。  
耳目得新警，天真爛漫吐。

有手著書樂，有眼看山好。  
握劍割塵鞅，斗室皆瑤島。  
孤峯峙簷前，相對成二老。  
篔簹滿幽谷，出土風雷繞。  
花靨雖到地，花魂猶樹杪。  
松柏有時薪，彭殤奚大小。  
適志取目前，婚嫁何時了。

徐枋

送遠詩

采采蕙蘭花，皎皎冰雪姿。  
含英當空谷，正值秋風時。  
秋

風率以厲百草奄披離子獨執高節臨風颺芳菲

別詩

上山采薇蕨日暮不盈把苦飢良足悲將遺同心者良友遠別離踟躕送于野我有盈觴酒黃流傾玉笋申以遠遊曲中懷期共寫清商一何悲四坐和者寡恐傷遊子心攬涕不敢下景光已西馳日月不我假

宮偉鏐

感興

獨立古大堤水清人境異猗蘭被芳臯遊龍紛櫛比灼灼芙蓉花臨風發媚媚欲采更躊躇同心竟異地美人如可懷遠道如可寄珍重語芙蓉信宿莫憔悴

御選明詩

卷三西

徐枋

宮偉鏐

張若羲

十

寥廓逸大陸蕭條悲北風生非金石堅而爲情緒鍾猿鶴亦隨化况復沙與蟲我欲駕滄溟高揖浮丘公靈藥不可得夙昔憂沖沖孔顏有真樂仁義植其躬朝夕把書冊道心與之通庶幾追古人令名垂無窮

張若羲

毘陵夜泊

波流自汎漾風雨何淒其草樹旣零亂鱗羽多參差行路懷苦辛征人傷別離中宵不能寐悠悠有所思

別離

昔爲膠與漆今爲參與商樹上連理枝池中兩鴛鴦切莫種楊柳楊柳徒心傷亦莫栽桃花桃花空斷腸春風

自婀娜秋月自飄揚夏簟虛簾幕寒缸墨雪霜暮猿愁  
夜短遠雁及天長梧桐旣凋落不集雙鳳凰崩崖流斷  
雲一低復一昂綠綺置君側白玉列君堂相顧復何言  
盡此離別觴

趙庚

雜咏

西山石磊磊叢草奮階除中有耕雲叟力芟尚有餘幽  
蘭發素莖其芳襲人裾秋風忽搖落綠葉日以疎移根  
贈遠人榮華俟來且

黃淳耀

和陶飲酒

御選用詩

卷三四

張若羲

趙庚

黃淳耀

十一

朝光入山樓棲鳥已驚喧攬裘暴新陽暖氣無頗偏仰  
視天宇清得我簷前山山中出岫雲變滅何時還我心  
正惆悵默與風鈴言

和癸卯歲始春

舊穀滿場圃知子良非貧糟牀注春醪酬汝四體勤開  
軒一笑粲莫適爲主人薜牙花乳香鱸縷銀絲新咄嗟  
行酒炙童僕皆欣欣中原有格鬪行子勞問津不能濟  
時代甘與農圃鄰逝辭謝景夷來就劉遺民

和歸田園居

家無環堵官所至思買山何異俟河清人壽期千年安  
得如古人采山復臨淵敬受十賚文賚以北阪田巖棲

高百層老屋餘三間湖江流東西竹木榮後前中央置  
講堂文史浩如煙歌風復蹈雅樂志忘華顛此意空蹉  
跎飛光去閒閒畫餅不可食談諧聊復然

和擬古

弱年見承平自謂長如茲一從更事來世已非前時雕  
虎橫井陘黃流混澠淄仗劍出門去行行復狐疑路逢  
季主儔問彼龜策辭龜策不我告黽勉自研思仁義心  
所安皇天吾不欺瀉水置平地東西任所之撫琴操倚  
蘭亂之以侷詩

吳易

觀時

御選用詩

卷三四

黃澤耀

吳易

二

四月鵠鞠鳴五月插新秧南風吹平疇蕭疎間成行甘  
雨久未施東作意倉忙此鄉最瀕湖瀉湯海惟三江湖身  
若仰孟江口若括囊東婁沒故道吞噎浩湯湯夏公鑿  
黃劉吳淞走中央安瀾見禹績蓄洩匪及詳疏排後忠  
介滕岸前文襄于時穡事盛燠澇多周防舉鍤煙雲興  
歡笑盃酒漿吳謳互激遠風俗登陶唐轉輸甲數郡精  
粢供上方嗚呼百年來今古一慨傷塗泥往所載水柔  
土不剛治水等治兵操縱貴在綱蓄之欲謹馴驅之欲  
奔驤上地下則澱陂蕩歸豪強淞流日緩細渠沼飛塵  
黃昔也憂在潦今乃并患暘外梗與內壅相循終兩妨  
空霞抱赤日天漢何青蒼桔槔無時休夜月聲哀涼焦

焚竟大半蔣殖安所將婦子對欵歎其意即戈斨吾聞  
園田制縱浦間橫塘斗門時啓閉撩淺衆力勸浦浚三  
丈降隄厚八尺昂斯工豫農隙督率免亂嘗奈何三公  
後水利終茫茫催科號曰能本計讓弗違東南國命繫  
荒哉問商羊嗷嗷幸霖澍佇茲秔稻香秋成急漕輓未  
計陵汝倉聖人勤精裡蛟龍奔盛祥豈必恃地力天心  
宜降康努力事胼胝微衷荅穹蒼

張家玉

錄別和李定夫

鴛鴦戲清池兩兩常相倚羽翼臨當乖風波中道起相  
對尚難知何況萬餘里來親去者疎母爲貴君子予懷  
御選明詩

卷三

易

張家玉

劉曙

十三

抱區區君諒執高誼

劉曙

包山夜坐示門人許子工虞

悲風夜不息微妙生虛空心跡雙闐然端倪在其中理  
豈羣動違性與孤明通庭光付流月林籟歸疎桐餘香  
一絲溫繚繞遊無窮捷疾追所晤起滅何匆匆酌水知  
湖波舉似將毋同

贈粵東黎子美周

翡翠生炎州光彩何陸離珊瑚湛海南灼爍生奇枝黎  
子美無度冰雪爲標姿罔象寄心想爾雅摛文辭清芬  
齒牙間披襟散涼颺驟合意傾倒乍離中踟躕羅浮七

十二峯峯助搢頤願乘雲霞色往映雙峩峩

葛一龍

曉行

日出已杲杲西月還相照農婦餉晨畊牛衣覆霜草

舟中九日

九日渡頭人迎風倚孤棹江空落日遠入夜生餘照無  
菊亦無侶開尊自相勞紅葉點鷗波青煙出漁竈

寒園

玄冬浹陰沍霜風摧灌莽寓目鮮幽翳一畝亦云廣日  
出茅簷間雲生泥壁上偃仰足昕夕親朋息來往空林  
如有人互荅斧水響

御選明詩

卷五

葛一龍

朱茂暉

十四

送陳徵君歸四明

秋風戀徂暑吹動水煙熱與子結新歡孤懷耿將別言  
從若耶去路指鏡湖月散髮蕩扁舟荷花櫓前折

送徐巢友還山

吾廬在空山戶牖白雲滿有樹常謾餘花亦纂纂城  
市不可居晝夜一何短買藥挂驢背行歌去人遠日落  
深澗中洗足春泥暖

朱茂暉

方池

方池不種荷亦少蒲菡萏惟有梓樹花紛紛落紅糝風  
波永生寸心默相感

朱茂曙

寄王處士遙蒼

自我去城闕子亦棲畝丘一舍道豈遠鋒鏑迷所投耦  
耕判沮溺闢徑違羊求凌晨起眺聽登我池北樓疎梅  
吐冷豔小鳥鳴啁啾春風吹戶外念子心悠悠

許正蒙

舟經橫塘憶桐江舊遊

輕舟何搖搖來自青谿曲層崖落深翠新波湛空綠我  
家漸水東一川接天目對此頗相似殊令幽思足將攜  
素心人共著桐君錄

馮鼎位

御選明詩

卷三

朱茂曙

許正蒙

馮鼎位

十五

園居述懷

夙昔抱奇尚雅志託園林愛此清曠地而無俗塵侵林  
間多繁花枝頭有鳴禽夜月登南樓朝爽眺西岑三復  
歸來辭斯人愜我心誰云今古異千載同高襟

詠史詩

驂騮馳康莊燕雀守一枝大小固有分丈夫安所期烈  
烈班定遠投筆謝故知鷹揚萬里外封侯名四垂生入  
玉門關故人猶下帷樹勛在少壯白首徒自悲

王廷宰

鄴園

置酒娛清夜西園鶩華轂素月升澄景微露泣佳木灼

灼芙蓉姿臨波漾輕縠四顧命賓朋灑藻競豐縟感彼  
蟋蟀篇勞生何局促鼎鼎百年內歡樂苦不足列坐進  
芳醴彈箏弄織曲霓旌遠層阿鳳吹流深谷遨遊及良  
時庶以快所欲

楊士傑

述懷

獨酌對芳樽悠然懷古意世事何足論外物心自遂舉  
杯樂天真多求反爲累迴迴出塵姿油油齊物志笑傲  
得此生陶然釋所繫

劉思祖

汪魯望孝廉軒

御選明詩

卷十四

王廷辛  
張鹿徵

楊士傑

劉思祖

十六

誅茅託林棲結志在玄賞芳蕙歇春華涼飈薦秋爽鳴  
琴向寥廓長嘯散蒼莽明月揚素輝疎篁發清響尊中  
幸不空方外恣獨往偶坐興未闌還思棹烟榜

張鹿徵

友人移居

居市厭市囂入山苦山僻非山非市間卜茲五畝宅到  
門水一灣眠沙鶴一隻遙望鍾阜巔雲霞幻朝夕乍見  
兩脚沈忽焉晴絮襲主人如冥鴻高舉不可弋丘壑盪  
心胸花竹恣夷憚何時載酒過爲君理雙屐

歸昌世

和陶雜詩

宇宙何茫茫起滅同一塵胡爲一日間各營百年身華堂與崇丘去疎來者親我廬非我有四顧誰爲鄰有如遠行客當夕已戒晨有懷不勝嗟舉目皆勞人

清溪直村塢修竹帶鄰曲花明戶未開風暖睡初足道侶兩三人開樽傍碁局永夜雜笑言留賓方滅燭柝響間疎鐘羣鳥啼朝旭

晨朝理輕策日暮稅歸鞅行行林水間翛然濠濮想時見行路人芒芒將焉往不如播種者晴雨候消長野舟橫可渡不復愁河廣深感田父言耕耨戒鹵莽

秋深霜露繁高原榆柳稀征途戒舟車鴻雁天邊歸徘徊岐路旁薄寒吹我衣悠悠自世路幽獨那可違

御選明詩

卷三四

歸昌世

七

秋懷

壁蛩收殘音哀蟬振餘響圖書盈坐隅覽古歎其往揚子千載知鍾期並時賞窮通非巧拙徒爲增俛仰不雨竹猶響未露草先濕齋空覺風來石暝如人立旅客有歸夢析驚夜何急舉酒酌桂叢言旋會將及

秋日懷獻之

小齋襟林木前後任棲息幽境靜裏過秋光閒處得天風動琴書澹然白雲色思與故人共惆悵空相憶

偶成

出戶事如織不若深閉關只緣長貧賤遂覺心神閒有時靜看雲目數飛鳥還栽花旣云勞灌畦亦孔躄不有

田園樂何方駐衰顏

叔父季思別業

性本耽幽寂自然愛丘園時復執道書獨坐當南軒清  
風池上來有客閒叩門共坐竹林語蕭然酌一尊隔溪  
聞犬吠襟以樵者言斜日返深巷烏雀林中喧出門忽  
自得緩步忘遠村歸途殊眇眇月白蘿陰繁

題古社圖

玄陰窮短晷淒風號北林伊人美無度高會愜我心願  
言振騷雅一返太古音斯意空千秋玄覽一何深高堂  
羅羣英前除鳴素琴含情同慨慷對酒不能斟紆鬱今  
古間曠焉發高吟久要意何許睇彼青山岑

御選明詩

卷三

歸昌世

萬時華

六

萬時華

秋日過丁氏妹簡時之

西風吹古巷驅我下澤車百鳥集喬木森森見君廬諸  
甥聞我來整履奔前除僮僕聞我來壺榼縱橫趨妹聞  
阿兄至結束臨中厨呼婢入後園擷取泥中蔬老大同  
鄉里謀生但飢飭入門共一笑內顧悲有餘寇盜滿山  
谷骨肉幸亡虞上堂古琴靜尚保先人書天命各窮達  
安樂且須臾命酒酌前軒忽已星月舒徘徊白露際天  
河淡眉鬚安知鹿門翁偃蹇非良圖

歲暮田居

中歲破憂患苦爲俗所嬰詩書沿先轍且復愛斯名晨

梳啓青鏡覽容時自驚白日照東壁素月已西楹莫疑  
造化理榮悴緣物情弱草無強蔓苦荼無甘英

曉度牛嶺

巨靈闢幽壤滄然劃茲區勢若羣兕蹲亦若千羊趨寒  
光積巖壑高厚氣有餘恍疑虎豹宅或有仙人居山中  
建子月萬嶺天風俱雲雨助奇勢車馬爭盤紆鴻濛遇  
雲將靈境將焉如

卓人月

泊烏鎮不寐作

逆風逗歸期今夕寄淺港月出人不知閉戶若羸蚌遠  
寺燈微明未罷老僧講良久喔喔聲荒雞引其項

御選明詩

卷三

萬時華

卓人月

吳天泰

十九

吳天泰

示族子

人生各分定如面異黔哲讀書求仕宦運數杳莫測不  
如事田廩勤苦但食力我家本清門中葉浸流失相將  
習遊閒遂乃離樸質流覽五服遙頗喜見諸姪水國采  
菱魚陸海種秔秫上可奉高堂俛足寧家室少遊嘗有  
言款段與下澤鄉里稱善人庶幾念祖德

題周仲吉畫

雪色滿天地扁舟傍深谷危峯入層雲幽意動遐矚溪  
橋凍未澌老鶴立寒木

周岐

詠懷

鳳凰鳴高岡豈爲梁稻謀丈夫志四海豈爲利名求笑  
彼田園子白首戀故丘營營井里間富貴稱殊尤烏知  
達士心一息翔九州

送豫章萬茂先秋浦劉宗伯應徵辟

擊鼓深宮中通市無不聞良玉媚重淵鬱鬱上爲雲君  
子懷令譽卓犖自不羣南陽雖有田豈必老耕耘浮雲  
蔽中天白晝苦不分肉食無遠謀喻喻如聚蠹奮身出  
塵埃宜判猶與薰聖代重徵辟蒲車何紛紛網羅及吾  
黨貴之以玄纁哲人貴及時况復事明君努力長安道  
三策振奇文

御選明詩

卷三四周岐

劉應期

郭金臺

三

劉應期

潔菴

有室曰潔菴舊址臨河築敗壁抵雨風短垣障水陸其  
右路通門小徑恣往復窓紙耐晴明庭庭卉間紅綠主人  
無一長自言但不俗旁堆書百家中挂畫一幅盡埽肥  
膩具制器尚匏竹或銜酒一杯或鼓琴一曲呼兒撰几  
杖對客任歌哭閉戶判十年寤寐矢弗告

郭金臺

荒城懷舊

壺山隱孤雲同儔日四五城端躋蒼蔚白日蔽豺虎招  
搖出南隅遊目眺江滸健羨遠行舟水居結鄉土豈無

舊里戚所思竟何主河魴衝敞筍靈籟翔天宇秋風鴻  
雁來作書繫湘浦

送陳逸子

北風湖上來春雨細如織殘寒守孤帆萬感不自抑故  
人鶯花稠歲月忽已息君行騁萬里莫自填胸臆長安  
佳氣繁孔道香風飾相見停輕車努力加殮食願拭摩  
尼珠持照古顏色

雙清亭

我來憩東山注目清江北和風漾輕舸遊屐忻初陟危  
樓湧層岡怪石互撐翊欲窮雙流勝曠覽各自識蕩蕩  
城郭陰荒荒墟煙塞古今幾逝波賴此孤亭直苔碑競  
御選明詩

卷三四 郭奎臺 項真

三

前喆半受風雨蝕儒風自振古悲仰龍象力咄嗟三白  
頭登眺有專識揮杯瀉高懷似欲生羽翼春光慰遲暮  
古道曠胸臆

項真

社集分賦得竹林

入林非任誕懷抱良有託把臂愜同志痛飲戀狂藥脩  
竹何蕭蕭微風籜已落故叢濯纖枝碧影隨杯勺盤桓  
不能去嘯咏或間作管絃非所好况乃靈鼉罟仰視飛  
鳥翔醉眼空寥廓契此考槃趣謝彼影纓縛寄語道旁  
子沈冥與爾各

劉城

秋懷

秋雲日以薄，秋夜日以長。秋露日以白，秋草日以黃。此時秋士悲耿耿，不能忘。豈無同心人，飄零非故鄉。蒼蒼蒹葭遠，乃在天一方。欲往心煩紆，漸我車帷裳。

沈壽民

荅戴子

獨坐寡歡，驚起步庭南端。悠然何所矚，吾自愛吾山。故人遺我書，贈我古錦篇。清辭響哀玉，抗意天雲間。世事總戚促，擾擾不得閒。甘陵房與周，南北部相捐。如何程夫子，名共蜀朔傳。有道秉昭曠，感昔心憮然。三復三歎息，歸犁東岡田。

御選明詩

卷三四

劉城

沈壽民

周立勳

三

周立勳

咏懷

東登泰山巔，纍纍見城郭。秋風吹平原，牛羊下寒澤。呂尚本陰謀，漁釣竟所託。神明啓遠疆，後世資經畧。遭逢良有時，志士固窮約。飄蓬西南征，浮雲散林薄。悲哉大國風，田橫不可作。

邵濂

雨

終日雨如絲，連山芳草碧。庭際孤雲屯，遙村暮煙積。野渡行人稀，圓沙一鷗白。寂寞想晤言，誰破蒼苔跡。

高秉渠

湖堤

舍館意未安遊覽力已猛披衣出芳原蒼翠周四屏琳  
宮千百尺截臬吞顥景蘭若非一居鱗次若萬井旋窺  
大佛寺却失龍象整其陽枕江濤其陰負脩嶺步步異  
前蹤行行惜去境斷橋曾不斷石堤相與永綠柳何歲  
蕤間之桃與杏柔颺剪綺縠密葉含藻荇羣秀欣有託  
萬象紛然炳歎息蘇長公千載若俄頃江山不改舊風  
月誰為領撫景憶往昔令人發深省

江必顯

亦園主人邀飲

平生愛岑寂請遊亦不却平生少嗜好痛飲亦不惡但

御選明詩

卷三

高秉謙

江必顯

譚貞和

三

入此園中便覺欣然樂綠竹常蒼翠丹桂久零落白露  
凋楓林商風隕秋籜空齋晝閒靜棋聲應丘壑主人笑  
而言且勿愁寂寞吾有斗酒藏待子來共酌樵青斫鱸  
膾長鬚進丹藥沈酒至昏黃風雨聲蕭索

譚貞和

社集分賦得金谷

日月長麗矚溪山餘素期別廬欣賞間更復賓主宜監  
軍曠高懷祭酒澹塵思盤礴澗道上澗冽荇參差竹柏  
旣峭倩藥草復繁滋飀飛壘交錯絃急管威夷迢迢錦  
步障晃晃珊瑚枝姬侍列雲屏倡舞喧相追豪侈極人  
目俱言此會稀席終方奏序興往各稱詩遺韻珍當年

勝遊示來茲不負歲寒約意氣歡足持

張屈

山居懷金文裕

江光映林際纖月微微落冥冥靜夜鐘沈沈響深閣言  
念君子交於道信不薄空谷常感懷終不我離索

鄒斯盛

寒食日登莫釐峯望縹緲峯

去年風雨節閉戶春江冷今年今日晴振策凌絕頂野  
曠雲垂垂蕭條水西景悵望無一言殘陽下高嶺

華淑

洞庭西山

御選明詩

卷三四

張屈

鄒斯盛

華淑

李翹

三四

圓湖比滿月青山猶挂影晴陰網輕瀾深翠積遙嶺滌  
洄柔櫓前如魚狎藻荇戀彼楓袖香丹黃點妍靚終期  
宅此居一樓一舫艣舫舫石公遙樓當銷夏冷竹木侍  
巾裾烟雲開簿領

李翹

感遇

幽蘭出深谷冰雪揚芬芳天桃得春風榮華耀朝陽萬  
物各有時盛衰詎可量君子重制行通塞夫何傷對此  
遲日嘉且進花前觴

寓言

松柏有蔦蘿生死共依附柔弱不自持垂垂百尺樹草

木匪金石榮華寧久駐摧折非所期飄零更誰顧

吳棫

清遠峽

雨過山氣清兩禺望相峙樹裏出鐘聲煙澄滿江水熠  
熠林光中露重滴松子

苦寒

嚴霜摧百草北風何其涼我愁豈在躬憂此道路長忽  
忽行役中不復知景光凝冰屬仲冬萬物咸閉藏吾非  
寒號蟲乃思驕鳳凰躊躇三歎息落日照路旁

金是瀛

訊馮天垂病

御選明詩

卷三四

吳棫

金是瀛

吳騏

三五

團團墜秋露戚戚下庭柯念吾同懷子鍊藥守巖阿洗  
馬體善羸徵君愛養河側置素絲琴手把黃金華仙莖  
傳三鳥遙情憩八遐七發爲余起二豎其奈何言保金  
石軀黃髮共婆娑

吳騏

集張吳東先生齋分韻得則字

虞夏日以遙老成存典則郊居幸多暇過從屢晨夕是  
時秋氣深澄流見沙石黃菊初作花鴻雁遠爲客歲寒  
各自愛斜景深足惜觴酒相爲娛高談展胸臆何必與  
古同取快意所適

雜詩

綢繆情何極欲別無奈何轅馬鳴蕭蕭僕夫戒前途絃  
歌慘無緒觴酒覺已多觴酒非吾歡四顧何茫然寒風  
動野草菀結不能言昔爲漆與膠今爲矢與絃生平纏  
綿意盡此斯須間纏綿不可展逝轍不可返繫駒永今  
日今日惜已晚知君念我厚爲君加餐飯

春至百卉榮鳴禽聲啁啾桃李各自媚靡蕪被道周駕  
言從友生阡陌恣行遊肴藪進芬芳旨酒消百憂少壯  
苦難恃節序不我留時無管夷吾身名將何酬

古人敦交道傾蓋攄心胸成言貴勿欺殺身以相從未  
世競錐刀險仄自云工酒食共宴笑干矛潛相攻誓言  
如皦日背誕猶飄風三王無詛盟甘醴必凶終誠信苟

御選明詩

卷三四 吳興

三

可孚溪毛薦王公

高樓臨通衢綺窓耀朝陽蓮茄飾金碧玉女窺其傍珠  
簾曲瓊鈎龍錦文幕張中有絕代姿盼睐生輝光盛年  
方二八舉體幽蘭芳詩禮夙所嫻容止何安詳暮春日  
遲遲援琴激清商潛波出遊魚遙空下鷓鴣知音世難  
遇默默歸空房尺璧儷砮硃詎若韞賈藏玉顏苟自愛  
不嫁庸何傷

四座且勿喧願聽歌一言請說屋上瓦本出田野間陶  
人範成形鍛鍊得剛堅公輸蓋甲第置之大廈顛日月  
光照臨湛露何溥溥高居棟梁上崔嵬象南山同時田  
中泥孰敢相躋攀世故不可期大廈寧久安阿房及建

章回風動茅管田夫厭瓦礫投擲棄江干高居幾何時  
徒令本質殘

日暮登高丘望見車馬道良人從此去三年音信杳入  
城見親故出城見墳墓君非他鄉人何爲不返顧弱女  
解秦箏幼子通孝經君歸攬君衣使君不復行我願車  
馬道掘爲千仞池百爾閨中人永無傷別離

朱茂暉

出邪溪由東渡橋進帆鏡湖

趁筏下邪溪溪回水凌亂指顧未俄頃雲林已改觀前  
瞻羣嶺高卻睇後峯斷出口尚潺潺入湖方漫漫叢叢  
烟樹分菽菽蒹葭散暈迤邐川風宛轉隨沙雁蘭亭懷  
御選用詩  
卷三四 吳騏 朱茂暉  
三  
右軍白洋尋賀監千載跡如存一曲情可詼

於潛舟行抵桐江

浮溪始安行登山止凌緬鬱紆倦攀陟清曠縱遊行目  
對川禽飛耳接迅湍轉迴峯沓屢迷連烟晦莫辨夕翫  
淹水宿晨興愛沙飯已入桐廬溪復歷富春峴雙臺峙  
中江一竿垂日晚空波澄浩渺春雲澹舒卷但乘逸興  
多詎覺古人遠

栗里

陶令辭折腰達生媿形役余無腰下組欣得附遺逸志  
愛名山遊不待婚嫁畢訪古入栗里摩挲醉翁石頽然  
蒼烟中宛爾面猶識茅屋隱在望五柳共蕭瑟雲山何

渺渺巾車日將夕  
瓦雀鳴檐端  
稚子候門隙  
凡物良有依  
孤生貴所適  
朗咏田園篇  
千載竟不隔

南園雜詩

鳥啼春晝閒  
雨過池草綠  
飛花不待風  
紛紛自相續  
靜夜彈鳴琴  
湘簾隔華燭  
尚想慕幽人  
沈思亂心曲

王鐔

匾山

洪波挾石根  
土盡石傾壓  
虎豹攀猙獰  
甕盎踏圓滑  
雲膩古洞寒  
雪浸芳洲茁  
不知灘渚寬  
妄議波濤狹  
尚注湘江三  
猶吞雲夢八  
羈客纜舟暮  
居人收市牘  
不辭鄉國遙  
直感年華匝  
村雨衆雞鳴  
汀烟一鴻發

御選明詩

卷三五

朱茂暉

王鐔

天

御選明詩卷第三十四

